



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

66. Papivs ponit quidem rancorem contra inimicum, huic tamen non exhibet benevolentiæ signa, quibus cum etiam ab odio destituru[m] novit:
nec ad illa cogi potest, si nimis hoc arduum accidat.

urn:nbn:de:hbz:466:1-40942

negamus illatum, cùm maritus non versetur
in periculo tam aperto honoris amittendi, &
adulter commode ad Magistratum deferri,
atque ab hoc pro meritis plecti possit.

LXVI. Papius & Vltanus graui odio diu se
mutuo prosequuntur. Tandem verò Papius mittie-
ris indolis à viris Religiosis persuasus omnē ran-
corem ex corde eosque deponit, vt tamen hæreal
in memoria; vnde Vltanum nec obuium salutat,
nee alia ei benevolentiae signa exhibet, et si sciat
fore, vt ex illis benevolentiae signis motus Vltanus
similiter ab odio desistat. Quaritur. Vtrum Pa-
pius verè ignoverit Vltano hosti suo, ita vt ad aliud
ex lege charitatis non amplius teneatur?

Videtur verè ignouisse, nec ad aliud teneri.
Ita communis Theolog. dum aiunt, ad ignos-
cendum inimico sufficere, odium persona
seu inimicitiae ex animo excludere, cùm sapè
impossibile sit, illud ex memoria eijcere: nec
teneri quemquam inimicum diligere positiuo
& peculiari actu v. g. salutatione, allocutio-
ne, visitatione, consolatione & simili, quia
hæc sunt specialia signa amoris, ad quæ ne-
mo obligatur, sed tantum ad communia, v.g.
orationem, & eleemosynam communem, re-
salutationem, responsionem, expositarum
mercium venditionem &c.

Resp. Cum Coninck de actibus supernat. D.
24. n. 91. & 97. Bonac. Tom. 2. D 3. de Charitat
pun. 3. n. 3. Palao Tr. 6. D. 1. pun. 6. num.
plt.

vit. & alijs distinguendo. Si Papius grauem sentiat difficultatem in salutatione & alijs signis benevolentiae exhibendis, cogi eum non posse ad ista præstanta, cum nō teneatur cum tanta difficultate salutem inimici procurare. Verū si Papio non adeò molestum accidat, illa præstare, obligari eundem. Quia bonum spirituale inimici, sicut & cuiuslibet proximi, procurare debet etiam cum aliquo suo incommodo, alijs non esset nobis præceptum Exodi 23. *Leuare asinum inimici iacentem sub onere, & Prou. 25. esurientem inimicum cibare.*

Ad rationem in oppositum dicimus, eam intelligendam esse iuxta datam distinctionem, quod etiam sentit Layman l. 2.
tr. 3. c. 4. n. 2. aiens, illam esse veram, per se loquendo; quia si omissio illorum signorum scandalosa esset, aut per aliquid eorundem posses sine tuo incommodo inimicum tibi & Deo reconciliare, id omittere, foret graue peccatum.

LXVII. *Pausilippus emphyreuta elapso triennio non soluit canonem domino suo, qui iacitca propriâ authoritate rem emphyreuticam ingreditatur, quod aduertens emphyreuta ad resistendum se parat, prius tamen ea de re Confessarium consulit. Quæritur. Verum dominus canone possit triennium non soluto possit propriâ suâ authoritate rem emphyreuticam ingredi: & inhibere debeat Confessarius emphyreutam à resistencia parandam.*